

Число 13 и 14.

Ужгород, 1. юлія 1923.

Роцник III.

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяцъ
каждого 1-го и 15-го.

А ДРЕС:
редакціи и експедиції:
REDAKCIJA „BLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число 60 К
За границу 20.— К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 сторону .. 120 К
за 1/4 сторону .. 65 К

Не забудьме!

,,Ты еси Петръ . . .“, ,Паси овцы мои, паси агнцы мои!“
Съ Божественнѣ слова документують назначеніе св.
апостола Петра верховникомъ Церкви Христовой и
первопрестолникомъ апостоловъ.

Ци повѣривъ сему свѣтъ? Такъ! повѣривъ; се
узнавали не токмо вѣрнѣ, но фарисеѣ, а навѣть и
язычники. Фарисеѣ по вознесенію Господню, Петра,
яко голову апостоловъ понимали; а язычникъ Корнилій
по чудовомъ явленію за св. апостоломъ Петромъ шле
послов; и Саулъ по наверненю Петра жадає видѣти!

Видно что сучасна доба знала го за верховника и
и знаютъ его всѣ вѣки за того, ибо его самъ Господь
поставивъ симъ!

Но были, и суть богохулники, котрѣ отрицаютъ
се. Не дивуймсѧ сему, тадъ св. писаніе так красно
пророкує сего: „се во знаменіе прерѣкаемо“, „и тма Его
не обатъ“!

Но св. Мати Церковь вѣрує и исповѣдує се.
Лжа вѣра, и таити верховность св. ап. Петра зачалася во IX. вѣку, но на короткій часъ; а продовжується одъ XI. столѣтя, одъ великого раскола восточной церкви одъ западноѣ, и скитається ажъ до нынѣ.

Но хотя греко-восточна схизма такъ словесно якъ и научово таить се, опровергає сама собѣ во своихъ церковнихъ книгахъ и Богослуженіяхъ восхваляючи св. Петра во его праздники. Сякъ на 29. юнія спѣває: „оваго ибо яко Апостоловъ предназначалника“ подобно 16. января (Кievска Мінеа).

Также напрасно бѣсяться нашъ братя расколники противъ Рима и его верховного вселенского Архиерея, папы, бо першій папа бывъ св. ап. Петро, а всѣ папы, черезъ весь вѣкъ будуть Петровы наслѣдники, а Христовы намѣстники!

Напрасно будуть таити суевѣрники сего; пусто проповѣдуютъ невѣрити се; даремно шатаються противъ правды, ибо правда-правдою, ба самъ Господь постановивъ сего и обезпечивъ быти до скончанія вѣка, словами: „. . . и врата адова не одолѣютъ єй“!

Паломникъ.



Множаться батюшки, як грибы в лѣсѣ! На Святу Недѣлю Кениз повѣвъ своихъ креїковъ до Праги и давъ ихъ Саватіом рукоположити на священиковъ по фотіянской вѣрѣ. (Еднѣ кажуть, что посвященіе достали за 7000 Кч, а другѣ твердять, что лиш за 4000). Еден изъ Копашнова именемъ Иван Гангур (27 годов має), который по войнѣ безъ жадной

науки ъмився до шустерства, пошивав подергъ баканчи и чоботы, а помежи ото метався и на инакій гшефт: довезти жонам памуту. На се набрав грошъ, но де их дѣв, ото он знае, а жонам анъ памут анъ грошем од 1919-го рока и до нынѣ. Заправотити го не мож, бо нѣчого не має. Як ся посвятив бахтер Кенейз, злакомився и шустер Гангур и стався Кенизовым церковником и креликом; быв мало и на курсъ богословія в Буштинѣ и из Праги вернув у реверендъ и с крестиком на грудях.

Една жона дуже красно го принимала перед многими людьми: „Отдай ми грошъ, бо доки не отдаш то не признаю тя за священика“.

Другій из Чумалева именем Бабич (котрого у селѣ лиш „котом“ кличуть) 24 – 25 рочний. Сесь тот, кто зорганизував быв 8 членову розбойницку банду у Копашновѣ препятствовати пересвященіе церкви гр. кафтоликами; лишь задавив и лиш на дорозѣ перестали пана о. Ортуая вертаючи дому.

Еще все под судом е.

Достають посвященія айбо не за добре знаня Христовой науки, ай в заслуги як декорацію вызначенія за вытревалое гоненя правдивоѣ вѣры Христової. (Заслано).

Урядовое ропоряженіе. Чтобы синяти и конецъ положити беззаконного розширенія гр.-восточной (шизматицкой) вѣры, Школьный Отдѣлъ выдав слѣдуюче розпоряженіе и выпубликовав его наплакатах в цѣлой Подк. Руси:

Цивильна Управа Подкарпатской Руси. Школьный Отдѣлъ.

Ч. 9182—23.

З А Я В Л Е Н И Е.

Подаю всѣм до вѣдомости, что законы а) ХХ. из р. 1848, б) III. из р. 1868 мають на Подк. Руси важность и треба у всѣх дѣлах религійных ними руководитися.

Закон: 1848, ХХ, § 7. выповѣсть, что в случаю, коли навѣть большость вѣрников грекого обряда да-которой громады перемѣнить свое вѣроисповѣданя, церковна громада (маеток) мае остатися в властности вѣрников попередной вѣры.

Закон: 1868, 53, §§ 1—8 (а головно § 3), что уста-

Сторона 200.

„БЛАГОВѢСТНИК“

Рок 1923.

новить: кто хоче переступити (мусить быти по крайней мѣрѣ 18 лѣтній, а жоны и тогда, если и не достигли того вѣка) має явитися в супроводѣ двох свѣдков, которых сам выбере — у пароха своей церковной громады и заявити перед ним свое рѣшеня о переступленю.

От того часу, коли первый раз заявив переступленя по упłyвѣ 14, но не больше 30 днев, должен с своими свѣдками (тыми самыми або с другими) опят появитися у того пароха и повторити заявленя о переступленю.

В случаю, что парох не прийме заявленя до вѣдомости и откажеся выдати потребное свѣдоцтво; се свѣдоцтво выставлять ему его свѣдки и на основѣ того свѣдоцтва парох той церковной громады, в которую он хоче встутити, може его принятии без всяких дальших перешкод.

Ужгород, дня 14. мая 1923.

Вице-губернатор Подк. Руси:

Еренфельд,

Министерскій радник, начальник школьного реферату:

Пешек,

*

Надѣемеся, что по сему уже уряды не будуть смѣти гр. восточными держати тых боязливых вѣрников, котрѣ „страха ради шизматицкого“ записалися на „православіе“, и не тых, котрѣ революційным путем глядають свое спасеніе в фотіянской вѣрѣ. На законах опирается всяка держава, доста жаль, что у нас шизматиков на плакатах треба напоминати на поддержаня законов.

— Якое единство вѣры и яка наука у шизматицкой церкви? (Допись из села). Маєй Вакаров в Селицах и в Нанковѣ проповѣдуе, что и ближнього своего треба любити, а найпаче врага и як вам ся ктось поздоровкать: Дай Боже! Треба му так сердечно вернути: Слава Іисусу Христу! А Кенейз и его вѣрники кажуть: „Своего врага люби, а Христового не грѣх убити“. (По сей думцѣ всѣх жидов бы убити, айбо жидов не бют, лиш гр. каѳоликов, котрѣ не хотять ид ним ити,

бо ото вороги Христовы). А „Слава І. Христу“ нияк не свободно кланятися, бо семый вселенскій собор заключив вѣру с тым, что кто отбере або прикладе, проклят. Таке кто так кланяется: „Сл. І. Христу“, он мае на собѣ клятву всѣх соборов. Не знае Кениз, что ни Христос, ни соборы не учили: „Дай Боже“ кланятися? Може Кениз хоть что говорити, бо не мае над собою ни яку голову, однакож близится ид катихизмои д-ра Фарского, кто Христа за пустого чоловѣка держить. Кенейзовѣ вѣрники уже самѣ признаютъ, что они вже не православнѣ, ай ческо-слов. державной вѣры. Кениз учить, что за вѣру бити не е грѣх. И сын его в школѣ перед учителем раз уговорився, коли учитель заказовав шизматицким дѣтям прозывати гр. католиков. Казав: „За вѣру и св. Николай Арія ударив быв и за ото святым стався“. Кениз укликав у церкви, что кто мае чтось с гр. каѳоликами за вѣру, ото на сповѣди и не треба казати, бо за ото не грѣх. Малѣ дѣти говорять явно по улицях, что лиш Гелебана треба убити. Откладують из дня на день; раз аж як изчезне снѣг, раз аж як буде листя на корчах, чтоб як застрѣлять на полю, абы ся мож закрыти. Та зачто ся правды крыти? Тадь ото лиш грѣшный ся крье. И Адам в раю аж тогды ся скрыв як согрѣшив. На полю приготовляються убити го, бо кажут, что у хижи напасти май велике право. Та ци лиш сього свѣтскаго права ся боите? А Боже де? Тадь вы православнѣ! Та чи пѣть уже раз, что намѣряете! Гелебан такій христіянин, который за истину всегда приготовленый на смерть, знае, что Хр. казав: „Не бойтесь убивающихъ тѣло, но сокотися убивающихъ душу (грѣха)“. Лиш добре ся обсудѣть, что на вас чекае туй за нього, вдову а сироты, бонич не е тайно, обы не было явно а потому перед Богом. Кажуть: лиш Гелебан! Не правда Гелебан бы сам мовчав, кобы не люде; айбо е больше як пов села.

ІЗ ЖИТЯ СВЯТЫХ

Святый верховный апостол Петро.

Из числа 12 апостолов, призванных Спасителем до про-
провѣданя слова Божого, верховное мѣсто занимає св. ап.
Петро, называвшійся інереже Симеоном. Быв он сыном Іоны,
а родным братом апостола Андрея Первозванного. Родився
он в мѣсточку Ветсаидѣ и походив из бѣдной, рыболовлію
занимающейся родины. Прийшовши до своих лѣт, подружившися
с сестрою позднѣйшаго апостола св. Варнавы.

Першу вѣсть о Спасителю получив св. Петро от брато
свого Андрея. Як Христос его увидѣв, зараз казав до нега:

„Ты еси Симонъ, сынъ Іоанниъ, ты наречешилъ Кифа, еже скажется, Петръ.“ (Іо. 1. 42.) Сими словами предсказав Іисус св. Петру, что намѣряе на нем, якбы на скалѣ основати свою церковь.

Коли раз одного днѧ пришов Іисус до озера Генезаретскаго и хотѣв там проповѣдати слово Божое, про множество народа принужден быв вступити в човень св. Петра и сѣвши там начав научати людей. Переставши говорити казав до св. Петра: „поступи къ глубинѣ и вверзинте мрежи ваша воловитвѣ.“ На то сказав св. Петро: „ластавниче обнощъ всю тврждшесѧ,ничесоже лаша; по глаголѣ же твоемъ ввергъ мрежѣ“. А коли здѣлав, загорнув великое множесгво рыб, так, что аж рвалися сѣти от них. Увидѣвшіе то св. Петро, упав удивленный до ног Іисусовых говорячи: „Изыди отъ мене, яко мѣжъ грѣшенъ есмъ Господи“. Іисус казав до него: „Не бойся, отселѣ будеши человѣки ловѧ“. (Лук. 5, 4-15.)

Сіе обѣданіе сповнив Іисус Христос, коли раз ишов съ своими апостолами до Кесаріи. На пути звѣдае своихъ апостолов: За кого мене держать люде? На се апостолы дали всякѣ отвѣты. Тогда ззвѣдае Христос своихъ апостолов: А вы за кого мене держите? На се в имени всѣхъ апостолов отвѣчает св. Петро: „Ты еси Христосъ, Сынъ Бога живаго“. А на то Христосъ: „Изъ же тебѣ глаголю, яко ты еси Петръ (камень) и на семъ камени созиждѣ церковь мою и врата адова не одолѣютъ ей. И дамъ ти ключи царства небеснаго, и еже аще связаши на земли, звязано будетъ на небесѣхъ; и еже аще разрѣшиши на земли, будетъ разрѣшено на небесѣхъ“. (Мѳ. 16, 16-18.)

В св. Писанію находяться, численнѣ доказы особенной милости Спасителя, оказанной св. Петру, як также и первенства перед другими учениками.

Так на пр. коли Іисус ишов на гору Таворскую, чтобы преобразитися, взяв быв с собою св. Петра, Якова и Іоанна. Св. Петрови препоручае Христос прилагодити послѣдну вечерю, а коли Спасителя вели уже на суд, св. Петро хотѣвъ своего Учителя мечем боронити, а потом иде за ним сам оден аж перед судом. Прада, что поддається он тут хвилево-боязни и отрѣкается Спасителя, но зараз каеся и сожалѣє над своим поступком.

По воскресенію случается торжественное переданія найвысшей церковной власти. При озерѣ Генезаретском сидѣли апостолы, коли появився им Господь и перед всѣми апостолами триразы позвѣдав Христос от св. Петра: „Симонъ Іоанни любиши-ли мѧ паче си хъ?“ И коли св. Петро триразы отвѣчав: „Ей Господи ты вѣси, яко любллю тѧ.“ Тогда Христос триразы казав до него: „Паси овцы моя.“ (Іо. 21,

15.) Сими словами установив его верховным пастырем над всѣми вѣрниками.

По сопствїи св. Духа, св. Петро проповѣдав Слово Божіе в Юдеї, потом отправився до Антіохії, где быв большій час епископом. Поставивши в том мѣстѣ другого на свое мѣсто епископом, удався научати язычников в Малой Азіи, а оттак веденый духом Божіим пошов до Риму, в велику столицу свѣта. Тут навернув многих язычников до вѣры Христовой и быв их первым епископом. За 25 роков быв св. Петро римским папою и головным пастырем Христового стада. Зостали от него два посланія до церквей Малой Азіи, в которых напоминае вѣрников, чтобы были постоянными в вѣрѣ и хоронилися от ложных наук.

Подчас переслѣдовання христіян императором Нероном, перетерпѣв мученическу смерть и св. апостол Петр. Дня 29-го юнія 67-го року по рожд. Христа розпяли его язычники стромголов на крестѣ. Серед тяжких мук отдав св. Петр свою душу Господу Богу. Тѣло его оден побожный римскій священник, именем Маркеллій похоронив в ватиканской загородѣ там, где теперь церков св. Петра стоить.

ІЗ ІСТОРІИ ЦЕРКВИ

Аріанізм и першій вселенскій собор в Нікеї.

Як то св. Павел предсказав: „Подобаетъ бо и ересемъ въ васъ быти, да искусніи явлени бывають въ васъ.“ (І. Кор. 11, 19.), в лонѣ св. матери Церкви уже от початку появилися всякѣ лжеученія, котрѣ опаснѣйшими указалися от самых поганских императоров, переслѣдовавших Христову Церков. Тых людей, котрѣ голосили таку ложну науку, або еї принимали называють *еретиками*, тых же, котрѣ отлучаються от видимой головы Церкви, от Римского папы, называеме *шизматиками* (рѣзколниками).

Не уважаючи на дробнѣйшѣ ереси початковых лѣт христіянства, найбольшу рану ударила на тѣлѣ Христовой Церкви ересь: *аріанізм*.

Арій священик в городѣ Александрії в началѣ IV-го столѣття высупив с тою наукою, что Сын Божій не есть рожденный от Отца, но есть его сотвореніем и так як сотворенное существо, не есть ни вѣчный, ни единосущный Отцу, только подобносущный и от времени истнуючій. Ко-

ротко то твердив, что Сын Божій не єсть однакій с Отцом, но меншій.

Аріянска ересь розширилась дуже быстро. Людям — еще не давно поганам — полюбилася аріянска вѣра, котра сотворенного Бога познає, правѣ так, як и поганска вѣра; люде еще не привыкли до чистої надприродної християнської вѣры, в дусѣ зостали поганами, до их сердца близше стояла полуоганска аріянска вѣра, чим чиста, преестественна христіянска.

Было много таких теологов, котрѣ старалися зближати христіянску вѣру с ученіем філософских школ послѣднього часу. До того Арій быв добрым беſѣдником, сильно агітовав меже народом, написав зборник стихов для народа и удалось ему много сторонников найти головно в Малой Азії, меже ними Евсевія, епископа никомидійского, друга Константина Великого.

Константин из начала думав, что тут только меже двома богословскими школами, меже Александрійскою и Антиохійскою идут споры о малозначном вопросѣ, но коли увидѣв, что тут говориться об основном дорматѣ хр. релігії, в согласіи с римским папою, св. Силвестром года 325 созвав вселенскій собор в Никеї.

На соборѣ предсѣдателем быв папскій посланик Осій, епископ кордубскій из Іспанії; из епископов же притомных было 318, меже пими св. Николай, епископ мирикійский. Послѣ довгих совѣтаній совершенно откинено было ученіе Арія, и утвержден быв дормат єдиносущности Сына Божого с Богом Отцом; и чтобы вѣрники могли точно знати истинное ученіе вѣры, оно было в цѣлости заведено в исповѣданіе вѣры. Сим первый раз быв доповнен символ вѣры, так, что мѣсто слов апостолскаго символа „Бѣрѹ . . . въ Іисѹса Христата, єдинородного Сына Божего зачатого отъ Духа Святаго, рожденного отъ Пр. Дѣкы Маріи . . .“ было заведено: „Бѣрѹ . . . и въ єдинаго Господа Іисѹса Христата, Сына Божаго єдинородного иже отъ Отца рожденного прежде всѣхъ вѣкъ. Свѧта отъ свѧта, Бога истинна отъ Бога истинна, рожденна не сотворенна, єдиносѹщна Отцѹ, иже вса быша . . .“¹⁾) Арія же и 4 епископов, котрѣ не хотѣли отступити от ереси, император выгнав из державы. Рѣшенія сего первого вселенского собора ухвалив папа римскій св. Силvester, зачто и св. Матицерков сими словами величав в тропарѣ папу Силвестра: „Берѹвникъ явился еси священнаго собору . . .“

1) Другое дополненіе символа вѣры состоялося тогды, коли на II-ом всел. соборѣ опредѣлили, что Дух Св. есть истинным Богом изходячій от Отца; третій раз тогды, коли на Форентійском всел. соборѣ, на котором там были и восточнѣ епископы, додали слово: „и от Сына.“

Но аріяне и по соборѣ не поддалися; с найбóльшою яростю звернулися противъ Александрійского епископа, св. Аѳаназія, ревного защитника хр. каоол. вѣры. Удалось им не только подмовити Константина, на то, чтоб Арія прияти знов в каѳолическу церковь, но и на то, чтобы Аѳаназія выгнали из имперіи в далекій Тріер (Франція), звотки лиш по смерти Константина мог ся вернути назад. Под панованіем имп. Констанца принужден быв св. Аѳаназій утѣчи до Риму и помош глядати у римского папы. Римскій папа, Юлій ласкаво принялъ его и созвав собор в Римѣ на котором Аѳаназій признан быв невинным и его гонителѣ стали осуждеными. Однакож терпѣнія св. Аѳаназія еще и по сем не скончилися. Под слѣдующими императорами еще не менше, як 6 раз мусѣв перебывати в изгнанію и премного терпѣти от аріянов. Умер г. 373, в 80 роцѣ своего праведного житя.

Мало людей терпѣло только за свою хр. каѳ. вѣру, як св. Аѳаназій: из 46 роков своего епископства 23 роков пребыв в изгнанію. Но подав му Бог Небесный еще перед своею смертю увидѣти побѣду каѳолической вѣры над аріянскою. Арій правѣ тогды умер наглою смертю, коли на приказ императора Константина торжественно прияли его в Христову церковь. Ересь же его по довгих бортьбах разпалася на многѣ секты и совершенно изчезла от лица земли, доказуючи сим то, что „Брата адovы не одолѣютъ“ Христову церковь.



Чорное пятно.

В малой квадратной канцелларіи при письменном столѣ сидить оден блѣдый мужчина и сувае пером по векселях и рахунках. Он есть оден из найбогатших людей цѣлого города; он мог бы, як бы хотѣв и выгоднѣйше жити.

Мог бы оставити канцелларію и выйти на прогульку, что ему и радили лѣкари, бо в послѣдних часах пѣлком у slab, так что нераз зомлѣв серед работы. Но он с сим ся не творить,

не має іншої жури, як чим більше грошей зберати и поболь-
шати свой маєток. Доки другъ люде на пр. ученый в своїй
роботнѣ, священник в церкви, земледѣлець на полю, вожд на
чолв полка працує на корысть соспульности, доти наш бо-
гач одиноко лиш для того жив, чтобы спекулювати на кавѣ
и таким способом колькократно побольшити свое майно. Ни
приносить ни собѣ, ни никому другому найменшого хосна.

Правъ днесь быв пан Вілен, — се его имя — в пога-
ном настрої. Лѣкарь ради в ему уникати всяких больших
зворушень, але цѣна кавы спадала, а он голову ламючи гля-
дав способы як бы вийти из сей бѣды с найменшою утра-
тою.

Нараз ктось застукав до дверей. Зайшов слуга в либе-
рії з листом в руцѣ.

Мене послали сюды с листом от одной панѣвъ, котра про-
сить отповѣди еще днесь, або завтра.

Вілен забормотѣв под носом, одослав слугу и нетерпеливо
розорвав коверту, та читає:

— Почтенный Пане!

Заохочена вапюо добротою, осмѣляюся — тому,
что ходить о помоч для нещастных переслати вам листу
жертв. Як самъ видите, имена жертвовавцев уже суть
написаанѣ а складка выносить лиш 10 корон. Так из-
вольте Пане Почтенный за своим имньом написати тол-
ко “такъ”, або чого зовсѣм не сподѣваюся “нѣтъ”. В сей
способ собранна сумма достанеся одной бѣдной фами-
ліи из высшої сферы, котра змушенна изза непчастя
жебрати. Зато сеся цѣль складки жадным способом не
може достатися до публичного вѣдома.

С глубоким почтением: Марія Гольтд.

Теперь цѣлком вычерпався его спокой — пустив ново-
ды своей злости держаной до теперь только осторогами лѣка-
ров.

— Файна панѣя из высшої сферы! Чудовими словами
жебрають для своих нужденых, зпипденых... а еще звы-
чайно держать все в тайнѣ... чтобы не было навѣть малень-
кой згадки в часописах... нѣт ...до чорта... не дам ничего
... Але что то? О Боже!...

Старик побіїд, як крейда. Встав, чтобы зазвонити на
помочников: але доки торкнув дзвонка, повалився непри-
томный на землю.

Цѣла веселка ярких барв пересунулася в его замкненых
очах: почував, якбы якась сила несла его в простор, все выше,
выше... нагло знайшовся перед замкнеными воротами
Раю. Зотхнув на минуту, надумуючися, что має сказати, что-

Рок 1923.

„БЛАГОВѢСТИК“

Сторона 207.

бы его пустили. На жаль не богато мог найти в своем житю добрых учинков. — Но потѣшився, что не он одинокій. Дѣйстно перед ним стояв мужчина незвычайного выгляду: быв то оден розбойник, кто згинув подчас напада своеї банды на каравану, котра везла всякѣ товары до далеких мѣст. Он упав в боротьбѣ с караваною, бо лѣва сторона чорепа была мало вгнута там где трафила его желѣзна куля проводника каравана — се было пятном смерти.

Несмѣлый и дрожачій приближився розбойник до ворот, застукав и зник с очей богача Вілена.

Вілен еще мало застановився, потом собрав на одвагу, положив свою долонь на тяжкѣ ворота и ударив нею три разы. Невдовга почув скрегот ключей в замку и ворота отворилися.

Богач Вілен скоро мусѣв закрыти лице руками, чтобы не услышнѣти от свѣтла, что пыло скрозь отвертѣ ворота. Раз лиш увидить перед собою св. Петра в бѣлой одеждѣ с двома золотыми ключами и лагодным лицем.

— Як ты звався, мой, пріятелю?

— Ах перепрошую... я назывався ..Август Вілен... не знаю ци можно менѣ... достатися до царст...

В кутиках уст Сторожа появилася иронична усмѣшка.

— Ци заховавався ты отповѣдно там на земли?

На се питаня быв Вілен приготований — однак загиқався и лиш по довшой перервѣ мог вымовляти:

— Я належав до добродѣйного товариства. Видѣлося, что св. Петро не зважав зовсѣм на сесѣ слова, бо дивився недовѣрно Вілена, кто продовжав:

— Минувшого рока я дав два тысячи на убогих.

— Так, тогды коли десятикратно заборив на кавѣ... Ци тямиш, что ты тогды замѣшав в каву?

— Август Вілен почервень. Попутанѣ думки его безнадѣйно шукалися в найдальших кутках памяти. А св. Петро говорив дальше:

— Ты жив 73 роки. Под сим часом не зборив ты ничего из сердца. В очах людей сповняв ты добрѣ учинки, але николи не учинив ты ничего без властной корысти. Дивися великѣ ученї сидят при працѣ, стоят на трибунах бесѣдники, сидять при недужних лѣкарѣ, всѣ си хочут розясвити темноту, хотут улекшити болѣ, поднести души из руин чюдесных трудов, людей потѣшити и соединити. А ты скупарю сидѣв в твоїй дѣрѣ и все, что святѣ, мученики, философы каменем на камень будовали — ты в самолюбном забытю, без почутя отповѣданности, без тѣци повчутя для ближньою нищив, нищив...

Но Господь, мой Учитель не хоче смерти грѣшника, он дає тобѣ єще мало часу. Иди на землю, или єще жити: як довго, никто не буде знати кромѣ Него! Ужій сей час для добрих дѣл — роби добро не зато, чтобы тебе вихваляла товна и чтобы ты мав матеріальнѣ выгоды. Теперь мы попрощаемся, айбо побачимся знов. Памятай не приходи сюди с пятном на чолвѣ — най хоть одно добро дѣло буде за тобою — и зайдеш тогды в рай. Тым мої слова! Прощай!

Богач Вілен лежачи на земли, протер очи, и довго зчудований споглядав довкола а на конци выбух смѣхом.

Но что за чуднѣ примары причиняють сесѣ омлѣння. Треба зателефоновати до доктора, може он чось порадить.

Подойшов до телефону и задзинкав:

— Там пан доктор?

— Тут Вілен ...дякую, зовсїм добре не е... перед хвилю зомлїв я знов. Небо и пекло пересунулося менѣ перед очами. Будьте такѣ добрѣ, зайдѣть до мене до канцелларіи — жду вас. Довше не можу стояти при телефонѣ — голова крутиться ... дякую ... зайдѣть неотмѣнно. Пан Вілен розлучив телефон, и вернув до письменного стола. Коли сѣдав на стoliць, поглянув на листъ панѣ Гольдт.

— Гм... сеся жебрацька ліста, через котру я мало не удурѣв. Але я им покажу . . .

Червёный як бурак, из злости, котрою не мог уже заводѣти, хопив перо и за своим имњом на боцѣ написав великими буквами: „Нѣт“.

Насе якбы под топором, звалився богач Вілен на стол — злость спричинила удар крови до мозгу.

Мало позднѣйше прибыв доктор. Его хворый сидѣв на своем высоком столцѣ, склоненый над столом с разложенными руками, с лицем на письмѣ панѣ Гольдт.

Лѣкар оглянув его докладно и констатовав, что умер.

Так покинув сей свѣт Аугуст Вілен; умер так, як жив серед рахунков и вексельов. Лице его было спокойное студеное як звычайно, робило вражѣння чоловѣка кто задрѣмав маљенько, спочиваючи по дневных трудах.

Але коли падав на стол, лице его торкнуло еще мокрѣ буквы слова: „Нѣт“, что перед хвилю написав на лістѣ жертв. Останное слово, что написав, лишило ему чорное пятно на чолвѣ.

Меріям

Посаду глядае оден молодый, неженатый,
гр. кає. пѣвець с дуже добрыми свѣдительствами.
Адресса в Редакціи.

Листы до тебе, любезный мой брате в Христѣ!

Написав: о. АНТОНИЙ МИГАЛОВИЧ.

IV.

Слава Іисусу Христу! Брате мой любезный!

Може и чекаеш уже письмо, которое я ти пообѣцяв написати о том, же як то лѣчили сесю душевну хвороту шизму.

Ба что сесе значить?

Передовсѣм най не прїде тобѣ на гадку то, что ты и так не годен против тольких, кажѣм и против цѣлого села боротися, бо они и так переможуть и так дале...

Слухай як ти св. ап. Павел красно каже: Кор. I. 10, 13. „Вѣренъ же есть Богъ иже не оставитъ васъ искушнисѧ, паче єже можете, но сотворитъ съ искушеніемъ и избытиє, тако возможи вамъ понести“. — Розум'єш? Бог лиши только непріятелей пустить на тебе, против кольких ты годен воевати и поможет ти из того славно выйти. Что больше хочеш от Бога? Роздивися нынѣ по селах и будеш видѣти, же тѣ, котрѣ так тяжко борются против грѣшного роздору, тѣ в той борьбѣ не обы упали, но все сильнѣйши стануть и Божа благодать все лѣпше поможе им выйти из того. В больших селах уже побѣдили наши против непріятеля! Так и тобѣ и другим братам нашим крѣпко ся треба надѣяти на Божу помоч и небойтесь, бо аж Бог вѣчный есть с вами, кто годен против вас стати?!

Другое великое лѣкарство наше есть в том, же не треба ся бояти шизматицкого руху, діявольского вѣтру! Як то? Тадь видав оно дуже плохое дѣло!... Так есть, плохое!... Айбо диви брате! Хотя як по Божай волѣ есть соединеніе, унія, и хотя як тяжко буде раз Бог карати тых водителей роздору, шизмы, зато послухай, что св. ап. Павел каже: (Кор. I, 11, 19.): „Подобаетъ бы и ересемъ въ Касъ быти, да искусніи таєнни вмивають въ васъ“. — Розум'єш ты се? Доки буря не была, та не можеш знати, ци модна твоя хижя; доки шизмы не было в твоем селѣ, та и не знаеш у кого есть модна отцовска кафтолическа вѣра! Як в Огню желѣзо твердиться, так и через ересь укрѣпляєся наша гр.-каѳ. православна вѣра.

Видиш брате! Нынѣ многъ и многъ больше знаютъ, же что то значить истинным и свѣдомым гр.-каѳоликом быти, а они уже тими будуть и до смерти, та и свої дѣти будуть знати уже як научовати. Нынѣ ся то красно указує, же не тот е сильный в вѣрѣ, кто на священство кризує,

но тот, кто Церкви Христовой смиренno повинується... И видиши: унія—шизма ; соединеніе—роздор ; постоянность — колебимость ; якъ собѣ великий непріятелъ! Унія, соединеніе, постоянность въръ—то суть Божъ дѣла, а шизма, роздор, колебимость въръ—то суть діяволскъ вѣтры. А кождому из нас и из наших милых братьев треба межи сими выбрати! И то так, як собѣ хоче, як собѣ любить!

Я, любезный мой, уже выбрав собѣ унію, соединеніе и постоянность въръ и буду все уже против шизмы, роздору и колебимости въръ! Ид тому еще и войовати против них все буду! А ты, брате мой любый, на котром боцѣ будеш? Ци будеш со мною? Будь с нами брате, буде и другій и третій! И пойдеме на них, на того другого тabora с оружіем сильным, с оружіем любви.. Так будеме, знаеш. войовати, же свою вѣру, свою церков и свої права сохраняти будеме, як лише возможно, айбо аж они с кам'нями, та мы с хлѣбом будеме бити, а они хотя нас ненавидѣти будуть, но мы их любити будеме!...

Та что на них любити?—звѣдаеш.

Что? Ближняго и непріятеля нашого!

Ци возможно се? Возможно! Правда, лиш по Божой науцѣ!

Та ци то нам дачто поможе?

Лиш оно едно нам поможе! Сесе есть тое третье найсильнѣйшое лѣкарство! Як то? Та так! Же ненависть, брехня, битва, крик, агитація — кигда не мають таку силу, як тиха любов ко ближному и непріятелю!

Слухай св. ап. Павла! (Кор. I. 13. гл.) „Іще быхъ ізыками человѣческими глаголахъ и ангельскими, любве же быхъ не имѣлъ, быхъ (ако) мѣдъ звенаціам, или кимвалъ звацалъ“. Та видиши! Могбы быв и сам Христос говорити на ангельском языцѣ и аж бы быв не любив нас так дуже, на певно бы быв собѣ не нашов только тысяч мучеников и только миллионов вѣрников...

Можеме ѹ мы говорити, колько лиш хочеме, же соединеніе сяк красное, та так Божое, аж любви не будеме мати, та ничего не поможеме.

А знаеш еще, что каже св. ап. Павел в том письмѣ? Слухай! (Кор. I. 13.) „Іще быхъ имѣлъ всю вѣръ, ако горы преставлти, любве же быхъ не имѣлъ, ничтоже єсмъ“. — Розумѣеш добре? Словом до нашої борьбы не лиш крѣпкоѣ вѣры, но и великоѣ любви треба!

Ба! Чому того так? Чому? На то отповѣсть сам ап. Павел (Кор. I. 13), бо любов: „не радуетса о неправдѣ съ радуетса о истиннѣ. Ісмъ любитъ, всемъ вѣруетъ, все оуповаетъ;

все терпить. Любы николиже отпадаетъ". Но та сесе есть наше оружіе! Знаеш чому? Во яко перед солнцем топится снѣг, так перед любовю пропадає ненависть, як в яри ломится лед, так в любви розпуститься гнѣв. Словом, никто и ніяка рѣч не має таку силу, як любов... Посмотри мало на Россію! Ствомом была шизмъ. Ненавистна па римских пап!.. А нынѣ? Римскій отец многъ тысячъ жертвуете голодающему руському народу и понеже то он здѣлае из любви, та уже дуже-дуже тошиться там тот студеный лед ненависти и грѣ теплота любви к римскому престолу и зоряе красный час унії.

Видиш, брате! С крѣпкою вѣрою можно горы переможовати из едного мѣста на другое, а с любовю можно самъ чудеса робити. Во любов здѣлае: из ненависти — согласie, из вады — порозумѣніе, из смутности — радости, из роздору — соединеніе, из шизмы — унію! И треба иамъ больше? Ничого иншого!

Зато я ти кажу, брате мой любезный, же боротися и войовати будеме против сих нынѣшних шизматиков, айбо все лиш любовю!... и неотмѣнно их побѣдиме! Во любов так тягце ид собѣ христіянскѣ души, як краснѣ цвѣты притягують ид себѣ пчолы... Увидиш, брате, же многъ перейдутъ на нашу сторону, вернутесь из грѣшної дороги, бо увидять, же в любви радостно, добре жити! А тѣ, котрѣ и на дальше остануть в той ненависти, в шизматицкой вѣрѣ, тотѣ уже нам нич не пошкодять

Люблю вас, братя мої и зато вам еще коротко только скажу: Учѣться из добрых книжок и трудѣться по работах! Сѣ два дѣла вас зроблять счастливими и богатшими! Важнѣйшое еще, же вѣруйте крѣпко као церкви и возлюбѣть друг друга! Сесѣ два дѣла вас поведуть до найсчастливѣйшого краю до свѣтлого царства! Як любите свою родну руську землю, тот наш бѣдный край, так любѣть и свою отцовску вѣру, тот великий Божій дар! Як гордо кажете в свѣтѣ, что вы есте русинами, так смѣло додайте, что есте греко-каѳоликами!

Так чинѣть и счастливий народ и счастливѣ люде будете! Бывайте здоровѣ всѣ, котрѣ будете читати и котрѣ будсте слухати.

Священники не забудьте засылати предплаты и розширяти меже вѣриками „Благовѣстник“!

Кто предплатив на „Благовѣстник“ най читає -- а кто хоче читати, най предплатить!

Интересантнъ пророчество.

(Продовженіе).

Другое интересантное пророчество, из которого в нынѣшних смутных обставинах святоѣ Церкви можемъ много потѣхы черпати, е пророчество Магдалены Порсат (умерла 16. юл. 1846). Еѣ слова суть:

„Чуйте, что я вам из повѣренія Маріи предскажу. Смотри конецъ нещастя и начало доброго...

Марія прїиде из неба. Она прїиде с легією ангелов. Избраннѣ якбы лиш душевно електризованиѣ были, рушаються, чтобы посланцѣ неба в стрѣчу ишли. Смотри воинство Господа: Много святых жен, мало святых Іоаннов. И смотри оружіе Бога, ни оружія, ни палицы... жадна матеріальна сила, жадна человѣческа помоч. Ишь часы, ишь нравы!

Я вам предскажу сѣм нещастій, подобно к сѣм ранам Маріи, котрѣ пред ей торжественнымъ пришествіем стануться:

- 1) Не добра погода, наводненія (потопы),
- 2) Хворты рослин и звѣрей,
- 3) Колера
- 4) Революціи
- 5) Войны,
- 6) Всеобщее банкротство (паденіе),
- 7) Неспокойствіе.

Междудою и 7-ою бѣдою жадна перерва: продолженіе великою быстротою станеся. Свѣт буде мыслити, же все пропало".

В сей части пророчства е предсказанный смутный конец часов пренаслѣдованія святоѣ Церкви, из которых выведе нас Пр. Д. Марія с такими людьми, котрѣ не с матеріальною, но душевною силою вооружениѣ воюють против властей тмы. „Ишь часы, ишь нравы“.

Всѣ предсказаннѣ бѣды уже сповнилися: Наводненія, колера, революціи, войны. По свѣтовой войнѣ — може сказать — всеобщее банкротство настало, бо и тѣ власти, котрѣ войну выиграли, только бѣд зазнали, что не могутъ с побѣдою хвалитися. Всягды пануе самое нещастя: загальное неспокойствіе, классова борьба. И в том правду мае Магд. Порсат, что между 6-ою и 7-ою бѣдою жадной перервы нѣт, бо 7-а бѣда т. е. неспокойность е слѣдствіем банкротства.

Дале так скаже пророчиця: „Корабль робить так и так (Магд. Порсат своею рукою указуе, як корабль колебається в бурѣ). Петро мае але довѣрность! Корабль выйде из напасти и покой настане. В св. Церкви люде будуть мыслити, же всьо пропало.

Мнози першѣ будуть остатными. Невиннѣ дѣти самоперше

порозумѣють и увидять непорочну Матку Божу. Они отворять путь к Марії, потому прійдуть святъ монахи и монахинѣ, добрѣ жены, добрѣ худобнѣ и добрѣ богатѣ.

Будуть высокопоставленѣ люде, котрѣ пышнѣ будуть и высокопоставленѣ, котрѣ пониженѣ будуть. Будугь убогѣ и гордѣ, котрѣ до пекла достануться.

Марія прійде! Она прійде ко кождому и кождому отворить книгу совѣсти его. Марія хоче нас совершенно очистити. Если грѣшницѣ увидять, же их дѣтей як прославить Марія и они с дѣтми въедно будуть ити и к Богу двигнуться. Всю полѣпшається. Жиды, котрѣ не хотѣли Христа в Его усмирениі познати, познаютъ Его через славное пришествіе Маріи. Церковь приготовляється на се славне пришествіе Маріи... Сей час уже не далеко“.

Сей час, о котромъ Магд. Порсат пророкуе, от ей часов воистинну не быв далеко, для нас не лиш ближе, но може ту е. „Петро мае довѣренность“ говорить она и правду мае, бо на римском престолѣ теперь „Вѣра непоколебима“ сидить. Дѣти найскорше збачать помоч Пр. Д. Маріи. И то може статися, бо в днешных часах велика увага кладеся на катехизацію дѣтей, через котру в них вѣра укрѣпиться. Магд. Порсат о сих часах во видѣннях дозналася, сесѣ видѣння могли и помѣшатися, так, что позднѣйшѣ дѣла з близшима въедно предсказала. Напр. вѣроятно, что обращеніе жидов лиш на концѣ свѣта буде, но она то с прочима въедно видѣла и предсказала.

О прійди Небесная Царица, простри руку помощи, бо „иного не имамы грѣшніи к Богу в бѣдах и скорбех присно избавленія“!

А. К.

Борьба за церковь.

В Торунѣ. Вѣнець славы получили тоты герои торунсково гр. каѳ. церкви, котрѣ позад свою силну борьбу 13-го юнія получили свою церковь. 13-го юнія с ассистенцію 60 жандармов была передана церковь. По передачи церкви урядник дав выубновати в цѣлом селѣ, же фарскѣ и школнѣ земли, тоты котрѣ выарендовали от комитета, не мають права хосновати и грошѣ что заплатили мае им комитет навернуги. „Православным“ сесе ся дуже не любило иproto горѣ селом уже так наказали варташови бубновати, же лиш до права не мож хосновати.

Дуже красный и радостный день быв для нас гр. каѳ.-ов в недѣлю 17-го юнія. Тогда было примиреніе церкви и празднична служба с участіем многих селян з далеких сел! О. Виктор Попович красну процессію привюв из Новоселицѣ а велика толпа гр. каѳ. приходило из Голятина и з Майдану с процессію

а с возами пришли из Волового, Рипиннного, Лозанского и т. д. О. Йоган Пайкоши с ассистенцію о. Йоана Соіко и о. Антонія Мигаловича кончив велику службу и красными словами одушевлено укрѣпляв вѣрников наших на дальшу борьбу. Такое радостное дѣло было се на Верховинѣ, что наша руська интелигенція з Волового великим числом явилася несподѣвано в Торуни, мож было видѣти межи ними и выше 80 рочнѣ женщины. Можеме казати так, что Торун еще такій красный день немав. Айбо гордость и пыха подеяких шизматиков уже перевысшае всякѣ думки наши. Коли из фарскоѣ дочасноѣ каплицѣ, — где гр. каѳ. своѣ смутнѣ и тяжкѣ дни переживали — три священники празднично перенесли до церкви св. тайну, тогда найдовся и такій шизматик, который пипу курячи кресаню (клебань) не зняв. А того, же перед церкви сміялися и многих задержовали от церкви, котрѣ навертаются, то уже у них звычайное дѣло! Еднакож не удалось им ничего баламутного зробити, бо побольшана жандармерія порядок красно подержала и нашлося доста таких, котрѣ каючися навернули ся назад в лоно каѳ. церкви.

Горячу подяку выражаеме туй всѣм з далека труждающимся и нашей руськой цивильной интелигенціи, котра с простым народом виедно чувствує и йому в тяжкїй борьбѣ из справедливости помогае.

(А. М.).

Великѣ Лучки. Для 13-го была разправа в дѣлѣ насильственном одобрапої церкви Вел. Лучанской. Ческѣ судії отзываючися на одно рѣшеніе мадярской королевской куріи заявили, что они не компетентнѣ рѣшити в сем дѣлѣ; сеналежить до другого суда. Одним разом выповѣдено, что греко-восточнѣ (шизматики) должны заплатити всѣ свої выдатки. Дѣло продовжается перед другим судом и не сомѣву, что если лиш мало справедливости есть на свѣтѣ, ревнѣ Лучанскѣ гр.-каѳолики вѣрники достануть назад свою церков. Як достанеме офиціяльное письмо рѣшенія суда, докладнѣйше напишеме о сем, чтобы гр.-восточнѣ (шизматики) не хвалилися и не дурили народ, что выиграли право за церков.

Шизматики всякѣ брегнѣ розширють меже народом; они рахують на то, что народ не просвѣщений, кого можно легко обдурити. Но в котром селѣ люде Благовѣстник читають, там с брегнями агитовати больше не мож. Як от лица огня топиться воск, так от свѣтла правды зчезают темнѣ брегнѣ. Где Благовѣстник в руках людей, там в сердцах крѣпко держиться отцевска гр. каѳ. прав. вѣра. Отцы духовнѣ и честнѣ вѣриики не забудьте, что против шизмы не е лѣшого оружія от Благовѣстника.

НОВОСТИ

— Благовѣстник и народ. Яку душепасительну дѣятельность кончить „Благовѣстник“ меже народом, о том свѣдчать тоты дописи, котрых часто засылають читателъ из провинціи. Из премногих теперь знов сообщаеме, чтобы уже раз и Карпаті Футар видѣв, что „Благовѣстник“ есть горячо любимою газетою руського народа. Читайте:

Воловиця 14-го юнія 1923.

Слава Ісусу Христу.

Достаю я Благовѣстник кожного мѣсяця 1-го и 15-го отколия с Нима говорив в Илници на Преображеніе, на миссіи. Та хвала Богу, что я пошов на миссію, бо дали ми еден Благовѣстник. Теперь уже если ктось правдуе с мною в вѣрѣ, та кажу му: Прийди до мене та я ти укажу, что е шизма и вотки она произошла. Я малолѣтній, 17 роков маю, айбо уже много раз быв бы мя діявол извюв, кедь бы не Благовѣстник. Отколи я Благовѣстник читаю, та як учую, что у селѣ появиться якійсь изводитель, та иду ид ньому говорити ож что за еден чоловѣк и что хоче. Раз так пришов до нашего села еден чоловѣк, Бог знає шизматик ци суботник; пойду до вього и почну с ним говорити. А он каже менѣ: як бы я вам быв, я бы не бѣдовав, так як вы бѣдуете. Як я се учув почав яко ньому говорити и кажу: та что бы сте робили? Пошов бым до Изы. Та колько бы треба учитися, чтобы мя посвятили за батюшку? Каже ми: Три мѣсяцѣ, а зараз бысь достав реверенду. Тогда я кажу: та така то тверда вѣра, что за еден рок бохтер, а на три мѣсяцѣ пойде до Изы та уже достане реверенду та дадуть му кадильницю та кажуть: На та махай! Та кажу му: дуже вам дякую за шизму и за фотійову вѣру я лем зостану таким якій ем быв и буду почитати едину, соборну, святу и апостолску Церков.

Най им Господь Бог дастъ силу и премудрость Духа святого в вашой борбѣ против ворогов и нападающих на истинну христіянску вѣру.

Василь Сухан Иванов

Воловиця п. Киважд.

Из шизматицкого раю. Плоды Кенизовых моленій. Од давна звычаем было у нас на околицѣ перед одходом на полонинскѣ пасовища, коли измѣшаютъ овцѣ, першій сыр давали священикови, за который священики кончили за стадо св. літургію. Кениз, батюшка конашньовскій, чтобы ся лѣп-

ше уподобляв людям, пошов на мѣсто, где овцѣ змѣшовали ся в одно и там святив и молився за овцѣ от хвороты, от звѣря и т. д. Як правило молився, так Бог прияв. За куртый час якѣсь овцѣ погибли, а едной ночи вовки на едной полонинѣ нараз 50 овец заѣли, на другой дотеперь 7, а у Чумалевской 30, так е и у Нижн. Колочавѣ и там так робив. Кажуть, что в Колочавѣ посвятив на пасовищу и рогову худобу, де быв и еден дуже благій біка (буяк), а по посвященю так здичав, что не мож с ним урадити. Кажуъ люде, что изза памяти такого случаю не было. (Заслано).

— **За руській сиротинець.** Под проводом „Союза Руських Жон“ великое народное собраніе одбылося 3-го юнія в Ужгородѣ в дѣлѣ заоснованія руського сиротинця под веденіем сестер Василіянок. Появилось выше 100 особ, меже ними: п. Желтайова, супруга жупана, п. Волошинова, п. Невицка из Пряшова, дир. Волошин, проф. Желтай, Вас. Фединець, др. Долинскій, адвокат и т. д. Собраліе одкрыв о. Желтай, “Быв час, коли нам русинам и на сем мѣстѣ заказано было кланятися: Слава Іисусу Христу. Но теперъ уже подув вѣтер свободы и можеме не только словами но и дѣлами хвалити Бога. Таким Бога прославляющим дѣлом, е и заснованія одного сиротинця для наших руських сирот и вдов. Се есть цѣль нашого пынѣшнаго собранія. Предложить выбрать за предсѣдателя собранія Ивана Колесаря“. *Іван Колесарь* звертає увагу на великое число залишених сирот, котрѣ не только без хлѣба, но — что еще больша хиба — без жадного духовного корма волочатся по улицях. Сих душ спасти и приобрѣсти их для Христа есть задачею Руського Сиротинця. Авг. Волошин поясняє дѣло. Справа сиротинця начипалася тогды, коли бл. п. Поганка стараніями одной богобойной души Охнич Жужанны на сиротинець лишила свой цѣлый маєток, состоячій из 30 кобликової земли. Наша цѣль тепер прирѣхтовати сесю фундацію для сиротинця. Нужным считает передовсѣм выбрать одну комісію, котра бы постоянно занимала бы ся с сею справою. Напроект о. Волошина выбранный слѣдуючий комитет: предсѣдателька п. К. Грабарова, подпредсѣдатель: о. Ем. Бокшай, касіер: Ив. Колесар, контролоры: Андрей Товт и п. Дсачка, записователька; п. Ольга Волошинова. До выдѣлу выбраннѣ: п. Желтайова, п. Волошинова, п. Брацайкова, п. Демяновичова, п. Бокшайова, п. Штефанова, п. Вакова, п. Ключуракоя, п. Дундова, п. Шимшаня, д-р Долинскій, п. Долинска, Вас. фединец, д-р И. Коссей, Колесарова, Колбасова. Д-р. *Іван Долинскій* поясняє цѣлу справу из правной стороны. Непріятель наши розношовали всякѣ фальшивѣ вѣсти о фундаціи бл. п. Поганка, чтобы нас знеохотили. Болить им се дѣло лиш зато, бо Поганки не мадярам ани не жидам лишила свой маєток, но русинам. А се их мерзить. Завдали нас уже два разы до суду: находяться вороги и межи русинами, котрѣ из

Рок 1923.

„БЛАГОВѢСТИК“

Сторона 217.

политичних взядов препятствують основання руського сиротинця. Но тверда наша надѣя, что вороги скоро утихнуть и мы не одовга отвориме под неденiem монахинь церкї руськїй сиротинець. Посем Ив. Колосарь заявить, что она из своей стороны передає на сиротинець весь свой маєток по своїй смерті, а одну частину — что стоить около 30.000 Кч. — если потреблю такої зараз. Ем. Бокшай в имени собранія складає щиру подяку Колесарови за за сей добродушний дар и проектує занотовати се в протоколъ. Разом нужним держитъ заявити сесю цѣлу справу Его Преосвященству и просити его о моральну и матеріальну помоч и о архипастырськое благословеніе. На конці всѣ присутнї складали свої жертви. Першій раз о. Желтвай оферує мѣсячно 50 Кч, п. Фединець 100 Кч, А. Волошин 100 Кч, д-р Ив. Долинскій 1000 Кч и т. д. Под коротким часом собралось вище 3000 Кч. Сим собраніе скончилось. Дѣло сиротинця есть интересом цѣлої христіянской публики Подк. Руси. Най кождый свѣдомий христіянин-русин засылає свої геллеры па сесю душеспасительну цѣль до редакціи „Влаговѣстник“.

— Упокоилися. Аптонія Петрикова ржд. Качановска, тещя редактора — издателя о. Авг. Волошина в 80-ом року своїй жизни, 29-го лютня отдала свою безсмертну душу Створителю. Похороны отбылися 30-го лютня. Блаженnoї памяти п. Петрикова была родачкою поета Алекс. Духновича от кого слѣдовала горячу любов ко пароду и глубоку побожнoscь. На похоронах появилася цѣла руська интелигенція Ужгородска в имени правительства же вице-губернатор П. Еренфельд.

— Молитва за Россію. Офіціяльный орган римского апостольского престола сообщає, что римскій отец дозволив и отпустом заосмотрив коротку молитву за Россію: „Спаситель міра спаси Россію“. Сеся молитва допоручена всѣм каѳолікам цѣлого свѣта.

— Жертвоволюбіe. Бѣлецкѣ гр. кео. вѣники заслужани на публичну похвалу. Еще г. 1921-22 даровали на новѣ звопы 25.000 Кч. а тепер знов турпю хотять закрыти; се им буде коштовати около 20 000 Кч. , по ревізвѣрники охотно дарують на укращеніе Божого дома. Робота еще перед праздником св. Петра и Павла скончена буде. коли Бѣлецкѣ вѣрники обходять праздник „храм церкви“. На сей праздник радостно привитают и сим путем чим бльше гостей. Жертвоволюбіe Бѣлецких вѣрников разом есть явным доказом того, что в Бѣлках жіе еще правдива Христова вѣра и что численно вѣрников не отступило от гр. каѳ. вѣры.

— Возваніе патріарха Тихона, которое еще 6-го дециембра випустив из вязниці як в най-більшій мѣрѣ розширеное в цѣлой Россії. Текст возванія: „Мы из Божої милости патріарха Москвы и цѣлой Россіи, всѣм духовным

пастырям и всему руському православному (гр. восточному) народу. Най зажене нам Господь наш Іисус Христос в тяжкой годинѣ искушеннія, в годинѣ триумфа діявола и управительства Антихриста свою милость. Коли перед нашими очами новъ Юда разбирають ризу Христову, святу Церков православну (гр. вост.), мы из нашей святой повинности возываеме всѣх вѣрныхъ сыновъ Божихъ, чтобы стояли ревно за вѣру Божу и чтобы ей хранили и своею кровію, если то обставили так бы пожадали. Забороняеме признавати найвышу церковну управу совіетской власти, бо ото есть зарядженя Антихриста и противиться в всемъ Божой правдѣ и св. церковнымъ канонамъ. Оголосуєме симъ всѣмъ вамъ, что на основѣ власти намъ Богомъ данной подвержеме клятвѣ найвышу совіетску церковну управу и всѣхъ тыхъ, котрѣ хоть въ якой связѣ снею суть. Най буде съ вами благодать Божа. Аминь". Подпись: Тихон, патріарха Москвы и всѧкої Россіи.

— Батюшка кто ключи краде а до того збыткуе ся. „Благовѣстник“ уже згадавъ за честныхъ вѣрниковъ села: Улич Крива, дѣ селяне стрясли изъ себѣ шизматицкое ярмо и навернулися у гр. кафт. Церков. Тамъ писалисме и о томъ, якъ печально скончивъ свой курсъ туда высланный батюшка Иван Чокина. Не забылисме и то написати, что сей Божій слуга и церковнѣ ключи укравъ, понесъ съ собою до Перечина, де отъ него жандары взяли. А теперь сесь неборак осмѣляється

затаити и опровергнути свої дѣйствія въ „Р. З.“ Пане батюшко! Познаете вы Брабецъ Йосефа жандарского надпоручника изъ Улича на кого приказъ вы мусѣли въ Перечин отдать ключи? А на то ци памятаете, что казавъ вамъ п. Брабецъ: „якъ еще разъ прийде сюда тотъ батюшко, заразъ несу го до Кошицъ“. Заправотѣть насъ, мы вамъ документами досвѣдчиме, что вы достали въ Кривъ! А въ темницѣ зачто сидѣлисте за одинъ мѣсяцъ? Не зато, что честныхъ горожанъ збытковалисте? Та лишъ мовчѣть, лѣпше буде вамъ. Не доста вамъ, что уже два разы въ новинкахъ были выложенія вашъ „гирешнѣ“ дѣла?

— Цѣна одного крещенія: голова духовника! У Вульховцяхъ одинъ держ. учитель-чехъ, давъ свою новорожденну дѣтину нашимъ духовникомъ, имъ. Александромъ Хирою покрестити. Такъ атьоцъ Рацинъ (родомъ изъ Шарду, бѣгомъ изъ Америки) не могъ священодѣйствовать и „просвѣщенный (?) подстароста Бокоч не бывъ на крещеніи. Тому на потарскомъ урядѣ высловивъ думку свою такъ: „Счастя мавъ (Хира), что пойшовъ скоро. Позднѣйше пойшовъ бы бывъ безъ головы!“ Лишъ царь Иродъ любивъ на только доньку свою, что давъ ей голову св. Іоанна Крестителя. Вы не мусите такъ! Не трудѣтъ съ одрѣзаніемъ главъ и не говорѣть, якъ „безъ головы“ о безтѣмкѣ, бо „можи кровей и лости не преполовлять дній своихъ!“ (Пс. 53). К.

— Украли церковнѣ грошъ. Маидрик Йосифъ, церковный кура-

Рок 1923.

„БЛАГОВѢСТИК“

Сторона 219.

тор в Кленовѣ у своєї хижѣ держав церковнѣ грошѣ. Для 18-го мая, в пятницю вломилися розбайники до его хижы и украли всякѣ рѣчи, меже ними 2000 кор. из церковної кассы.

— **Циганска правда.** В Нересницѣ (ж. Марм.) „православійка-большевизма“ вже отиграла свою роль. Отступившѣ от отцовскої вѣры и церкви нову церковцю („kostel“) себѣ будуть. И коли на сю тешуть дерево, не забываютъ *утесати и брехнѣ мало.* Найновійша их лож, что при зложенію фундамента „kostela“, а послѣ другихъ: на печи одного старца-схизматика появився такій-то надпис: *Липиторе—липтом*. Та кажуть, что се есть поздравленіе, яким уніяты мусять (!) друг-другому поклонитися на улиці, „бо се е на папѣшком языцѣ казано“ (?) О нѣт! Се есть казано брехливым языком схизматиковъ, тому что высшій надпис даже подобный циганской мовѣ. Не дивуймесь! Схизматикам лож мила. „*Ико неправда... лъкачество ко жилища ихъ... нѣтъ ко очистку ихъ йстини; серце ихъ сѣтно*“ (Іс. 53 и 5.). **к.**

— **Лига против богохульства.** В Италіи зорганизовали лигу, котра воює против богохулення. Найновійше в городѣ Торѣно була велика демонстрація. Члени лиги учинили великій провод городом и перед великим конгресом присягнули, что ляти на Бога не будуть. На конгресѣ були присутні: князь дженовскій, начальники города та кардинал митрополит в супроводѣ священства.

— **Большевицка благодарность.** Римскій Отец вже мільйони собрав в христіянской Европѣ на подпомогу голодающимъ Россіи и Україны. Безбожнѣ большевики с тым отякують сесѧ благодѣянія апостольского престола, что постоянно оскорбляютъ христіянку вѣру. Так не давно на стѣну хижы папской благотворительной міссії большевики написали: „Вѣра, то отрой для народа“, „Бог не существуетъ для пролетара“, Коли за се члени міссії запротестовали, правительство просто затаило сей факт. Счастя, что оден священик сфотографував тотъ надписи и сим доказав безочливость большевиков. Не е большого ворога христіянской вѣры, якъ большевик!

— **Конец отступництва от скалы св. Петра.** Из ческословенской церкви (ческѣ шизматики) в минувших тýжднях под 14 дями выступило 1500 людей и стали безвѣрными. Такій то смутный конец тыхъ людей, котрѣ легкомысленно выступлят из едино спасительной прав.-каѣ. церкви. А у нас ци не е уже доста много таких „православных“, котрѣ уже и у Бога не вѣрють?

— **Якъ вѣры суть в Югославіѣ?** Греко и римо-каѣ.: 4,735000, Шизматицков: 5,602000, Протестантов: 216000, Жидов: 140000, Могамеданов: 1,337000.

— **Схизматицка чеснота.** В Вульховцях (ж. Марморощ) говорять два люде. Одеа православно-греко-кат. вѣри, а другій „православный“ схизматик. — Заклятъ уніяты-гр.-католики — каже схизматик. — Что? И отец

твой ушят быв — одповѣв гр. кат. чоловѣк — ти и отда твоего проклинаеш, который вже умер?! — Айно! И тот прокля-

тый — потвердив схизматик. (Ци в вас таким образом отправляють „православный“ (?) парастас?)

к.

— Короткѣ вѣсти. Великій французкій писатель Піерре Лотти в Парижѣ 10-го юнія умер. — Патріарх Тихон в вязницѣ тяжко похворѣвся. 16-го юнія отходив апостолскій пунцій архіеп. Микара из Праги; при его отѣзду появилось множество людей и всѣ члены дипломаційного збору.

На фонд Благовѣстника. Слава Іисусу Христу! Всечестный О. Редактор! Мы Калинскѣ гр. каѳолики так полюбили наш любій „Благовѣстник“, что ледва ждеме одно число за другим. Радо даеме го читати и заблудшим братям нашим. А понеже видиме Вашу щедроту ко нам через посылку больше примѣрников „Благовѣстник“-а и мы из ширым сердцем будеме на него даровати. Досудилисме, что доки ненавернемеся до нашоѣ любоѣ церкви, доти у школѣ при каждой св. службѣ Божій добровольнѣ нашѣ гелеры збирати будеме на фонд „Благовѣстника“ и все по 50 корон зашлеме до хвальної редакціи. Просиме заслати Благовѣстник не лише нам, но и заблудшим нашим братям, наї не погибнуть! И до Вас ся взываеме милѣ братя читателѣ „Благовѣстника“ и Вы послѣдуйте за нами, даруйте по возможности зберайте ревно дарунки на фонд. Потолкуйте значеня органа Благовѣстника словами Спасителя: „іако не о хлѣбѣ единѣмъ живѣ вѣдетъ чоловѣкъ, но о ксломъ глаголѣ Божій“. Потрудѣтесь до помочи, чтобы наш пітатель „Благовѣстник“ еженедѣльно выходив. Калинскѣ вѣрники.

— На фонд Благовѣстника даровали: Калинскѣ вѣрники 50 Кч, о. Андрей Карцуб 8 Кч, Д-р Георгій Шуба 38 Кч, и Юрко Дацко из Руського 20 Кч.

— Для голодающих Україны и Россіи: ученики I. кл. ужгор. гімназ. 10 Кч.

ПЕРЕПИСКИ РЕДАКЦІИ.

М. Калина. Так робить христіянин, кто наповнен любовію ко Христу. Если бы было много такпх як і вы! Тяжко двинути дѣло на впсрел. ІЦира подяка. У вас уже гр.-каѳолики знаютъ, якое сильное оружіе есть против шизмы Благовѣстник. Жаль, что там, где еї еще не е, не одѣняютъ Благовѣстник достойно. Хотя могли бы знати, что где Благовѣстник в 10—12 премѣрниках читають, в том селѣ діавол тяжко найде отступников от вѣры.

М. Нагай. Однокака руська церковна друкарня: „Упіо“, Ужгород Корятович площа, ч. 10.

Л. Л. Иванов. Бѣлии. На сесь год еще маєте платити 12 Кч.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯН БОКШАЙ.